

վառելիքն էր բերում ջորիով: Ջաղացքից ամէն չարաթ մի պարկ ալիւր էր բերում ջրաղացպանը: Գեղերից ամէն օր կաթ, մածուն, պանիր, եղ սեր, միրգ, ձուկ, որս էին բերում միւսլիման գիւղացիները եւ մամս սապոնով փոխում էր ու մեզ բաւականացնում: Միւսլիման գիւղացին օճառ եփել չգիտէր, նա կարիքը հոգալու համար, հում նիւթ էր բերում բերդը փոխանակելու, որից օգտուում էին արհեստաւորները: Շուտով միրգն ու բանջարը, սիմինդրն ու վարունգը կորցրին իրենց հմայքը. աշունն էլ հասաւ եւ շիրան տուն կրեցին, սկսեցին մալէզ եփել, պաստեղ, քոմա պատրաստել եւ մար շինել:

Այրն ու բենը տախտակի վերայ ինձ ճանաչացրեց ջորեպան Ունանենց տիրացու Պօղոսը: Մինչեւ ճաշ տախտակ էի կարդում եւ ճաշից յետոյ գնում էինք խաղալու այրերի գլխին գտնւած կիսակործան տաճարում: Շատ հետաքրքրում էին ինձ այրերի մասին տարածւած հեքիաթները. բայց մուտքը անչափ դժւար էր: Հետաքրքեր էր վերի բերդը, ուր գտնւում էին բազրատունիների կիսակործան ապարանքը, զօրանոցները, աւազանները. բայց շատ դժւար էր բարձրանալը, սանդուխքները փշրել-թափել էր Ահմէդ փաշան 1833 թ. որ այլեւս որ եւ է աստի մէջը չպատսպարւի: Սակայն 1873 թ. սանդուխներ դրինք ու բարձրացանք կերանք